

Raffaele Serafini

DITI



ente la
LENGOA dei VENETI



LENGOA VENETA Edisiòn

Raffaele Serafini

DITI

ente la
LENGOA dei VENETI



Edisiòn
LENGOA VENETA

DITI

ente la

LENGOA dei VENETI

autòr
Raffaele Serafini

A no ghe xè copyrights e tute le parte de sta publicasiòn le pol èsar copià o invià co tuti i mexi, eletroneghi, mecaneghi, comprendeste someje, copie, rejistrasiòn, e anca la pol èsar imagaxinà senza pameso scrivesto de l'autor o dea caixa editora.

stanpà inte la Venetia 1° Edisiòn 20019

LENGOA VENETA Edisiòn

*Ghe dèdego sta racolta chi ca no'l ga paura e no el se
vargogna parlar e darghe lustro la nostra lengoa*

Co San Marco comandava, se disnava e se
senava

Soto Fransa, brava xente, se disnava solamente.

Soto caxa de Lorena, non se disna e no se sena.

Soto caxa de Savoia, de magnar te ga voja, i ne
gà portà na fame roja.

Soto Roma, ne toca de coparse o scanpar.

INTRODUSION

Na bona parte de diti e fraxe de sta lista a li vien da dai mejari de Veneti in volta pal mondo ca a scominsiar da la anesìon, dominasiòn e colonixasiòn italiana de la nostra tera Veneta inte'l 1867, ghe gà tocà scanpàr e laoràr lontan da l'arogansa e opresiòn taliana. Da ramài on secolo e mèxo el pòpolo de le Venesie el xè oprimesto e ocupà dai italiani ca sèvita doparàr na politega de discriminasiòn, derixiòn, opresiòn colturàl, politega, militàr, economega. La nostra coltura Veneta la vièn sistemategamente discriminà da i italiani, in televixiòn, a la ràdio so i giornali, i Veneti e la so Lengoa li vien sistemategamente sensurà. Scola i nostri fioli li xè discrimenà e ogni manifestasiòn de Venetisità la vièn reprimesta co punisiòn de tuti i tìpi.

La stòria la xè stà completamente falsà e ai nostri tòxi li ghe insegna i 7 re de roma, mentre invese 1000 àni de glorioxa republica Veneta li xè completamente sensurà. Ai Veneti vièn parfin negà la storia antiga inte la coàl a ghevimo on nostro antigo alfabeto ca ncòra deso serti archeoloji italiani li ciàma : "graffiti".

Le Venesie a le produxe el 50% de l'ativo de la bilansa comersial de el stàto italiàn. Le Venesie a le gà la tera pì fertile d'Europa, el pì gràn basìno idrego de acqua dolse d'Europa. Produxemo el dòpio dela corente eletrega ca consumemo, ma purtropo la vièn tuta robà dai italiani e nàltri a ne tòca pagarla 2 o 3 olte pì càra ca el resto dei Europei. Ghemo 90 milioni de turisti ogni àno e suparemo coalsiasi altro paexe mondial.

Ghemo pì aeroporti ca tuta l'italia insieme, pì fàbriche, pì dîte. El nostro pòpòlo vanta artisti in tuti i canpi de l'arte prexenti e pasà. Vivaldi xera Veneto! Da Ponte, Mantegna, Caravajo, Tiepolo, Pigafeta, Goldoni, Marco Polo, Casanova, Galileo, li scriveva inte la nostra Lengoa, ma savemo puito ca i italiani li gà provedesto puito sensuràr e tignìr sconti tuti sti libri e li se gà apropià dela nostra stòria.

Eneide, Iliade, Bìbia, li xera sta traduxesti in Lengoa Veneta sentenari de àni vanti ca l'italia a ghe fùse.

Cò xè rivà l'italia, le minoranse Lengoisteghe e Colturali Armene e Ebree ca pa secoli le gheva vivesto in paxe, le gà dovesto fàr fagoto o le xe stà masacrà. I Armeni li gà piàn pianelo perdù propietà e i ebrei li xè sta confiscà dei propri avèri, deportà e masacrà dai italiani. Purtroppo la stesa sorte la ghe xè tocà ai Veneti e Croà ca viveva inte i veci teritori de l'Istria e de la Dalmasia : italiani e jugoxlavi li se gà macià de jenosidi, deportasiòn, massacri, torture contro mejari de parsone ca pa secoli gheva convivesto in pàxe soto la Republica Veneta.

Masacri, fame, malatie, deportasiòn, opresiòn fiscàl, espropri, derixiòn, discriminasiòn, tute ste ròbe le gà obligà mejàri de mejari de Veneti a scanpàr e cercàr la libartà in Braxile, in Romania, in Canada, in Australia.....a ndò li se gà e li se fà onòr co la construsiòn de fàbriche, bonifegando paludi, costruendo strade e ponti, fin sità intiere in mèxo la jungla.

La mensogna taliana la gà cercà de appropriarse anca de sti mèriti, ciamandoli "italiani inte'l mondo". I Veneti no ndàva Chicago o New York parasitàr, o vendar

droga, o far contrabando. Naltri Veneti a no ghemo gnènte da spartìr co i italiani dei tradiminti, de le raccomandasiòn, de le trufe, dei ribaltoni.

Dopo 150 àni de dominasiòn italiana el nostro teritorio de le Venesie el xè incoinà, invadesto da xente foresta e Caranba taliani ca li gà ocupà fin i paexiti de montagna co le so caxerme militari. Mejari de fàbriche le xè drìo saràr e senpre pì xente la porta lontàn dal Veneto i so schèi e beni mòbili, asandoghe el posto a disparà ca pretende de darne lesiòn de siviltà e coltura.

NOTE DE SCRITURA

le regole grafeghe, le xè fasili e imedià, el ségno “C” a se lèxe [K] frente a o/a/u par exenpio : “**acua**“, “**anca**“. Frente a e/i par exenpio se lèxe invése fà : “**ciào**“, “**céxa**“. La “CH” tipega se lèxe fa in taliàn, par exenpio : “**schei**“, “**Chéco**“. Serte olte la “CH” la se scrìve ànca co “K” : “**skèi**“, “**Kéko**”

A “S” a vién doparà fà na sorda, par exenpio : “Go **masa** mistieri pa a **testa**”.

A “X” a xè doparà fà na sonora, par exenpio : “**caxa**” o “**xé**”.

A “Z” a ga isteso vaeor fonetego de a “X”, par exenpio : “**caza**“, “A **xè** fasie **tàxer**“, el se podarìa scrìvar anca : “a **zè** fasie **tàzer**”.

La “J” la sostituisse la scritùra gi/ge, par exenpio : “**projèto**“, “**Jijéto**”; la “J” la se pol lèxar fa la “J” de “**John**” in inglese o ànca fa in “**yes**” inglese.

A “l” tajà a raprexenta do varianti foneteghe, parchè ghe xè parti de el Veneto ca dixe : “**A** gaina magna **e** erbe” e altri invese dixè “**La** gaina la magna **le** erbe”. Cusita, pa respetar e do varianti serte olte xè scrìvesto : “**la** gaina la magna **le** erbe”. Mi, bona parte de le òlte dopàro la “L” normàl, asàndoghe el letòr l’opcion de lèxarla o mánco. E dòpie in Veneto no le ghe xè.

No go volesto èsar pedante fà on acadèmego, vanti tuto parchè go senpre vardà co sospeto chi ca el ghe insegna st’altri parlar puito, e pò parchè na lengoa la ga da èsar descrivesta fa la vien parlà e inte el modo pi fasie par tuti. Penso ca in stì oltimi sento ani, chi ca el

ga festo e se vita far pì mal a la nostra lengoa, a xè stà a nostra prexunsiòn masa granda. El me parèr el xè de scrìvar, parlar e pensar in Veneto, no vargognarse, e molarghela de scrìvar sol ca poexie e memorie de sti ani. In Veneto podimo parlar de matemadega, de filoxofia, de storia, atuità e de politega...El letòr el podarà vèdar ca el testo el xè stà trà xò doparando dea nostra Lengoa varietà nove, vecie, e de parte difarenti de el Veneto, parchè a richesa de na lengoa a xè propio inte a so diversità; in sto modo a grafia a xè sta doparà co libartà pròpio pa rèndar sta diversità. In sti oltimi àni, partìr da on sciàpo de xente, gà scuminsià la rivinsita e la riapropriasiòn de la nostra Lengoa, storia e coltura. a semo drìo riapropiarse de la nostra identità e dignità de Pòpolo, ca a xè pi inportante ca fàr schèi.. I schèi i va e i vién, ma l'identità na olta perdesta a xé finìa.

LEXI', VARDE', SCOLTE' E GODIVE

29,30,31 de jenaro, xe tri jorni de'l merlo ca i ga
inganà Febraro

29,30,31 xe i tri giorni de la merla

A 'sto mondo cuà a se ga da adatarsè o inrabiarse o
despararse

A se ga da far la spesa drìo l'entrada

A se ga da lasarghe senpre na fenestra verta a la
fortuna

A se ga da ver oci anca par de drìo

A se ga darìa èsar prima veci e daspò zóveni

A chi ca no el fa fadighe, la tera ghe manda solo
ortighe

A chi ca no el fa penitensa, el Signor no ghe fa
credensa

A chi ca no ghe piazè el cantore, no ghe piazè
gnanca le canzon

A chi ca no vol far fadighe, la tera la ghe buta
ortighe

A chi ca va forte, a ghe ride la morte

A dir buzè, ocore bona memoria
A dir la verità basta on cojon, ma a dir le buzie ghe
vole l'inbrojon
A donar e parlar a se perde el merito
A far i só mestieri, a se se sporca le man
A far on zenoveze, a ghe vol sete ebrei e on fiorentin
A fidarse de on rufian, a se resta ciavà tuto l'an
A ghe jera on solo galantomo a 'sto mondo cuà e i lo
ga meso in croze
A ghe vol sento ani par fare on proverbio
A i ga senjà da Dio sento pasi indrì
A i oto de April el cuco el ga da venjir
A i oto i vizentini i fa corar la rua da le oto a on boto
A i ventOn sole in lion
A l'amo a se ciapa el pese e i omeni a l'intarese
A l'Ave Maria, a caza o par via
A l'Imacolada a scomisia l'invernada
A l'ocio de chi ca te te fidi senò a te voli fastidi
A l'ostaria mi no ghe vago, ma co a ghe so ghe stago
A la doménega fora parole e dentro biceri, a'l luni zo
acua e su pensieri
A la doménega sera, rento vin e fora ciàcole a'l luni

de matina, rento acua e fora pensieri
A la galina ca ghe piaze el galo a ghe piaze anca el
só punaro
A la làgrema de on erede el xe mato chi ca ghe crede
A la luna setenbrina, sete lune le ghe se inchina
A la luze de la candela a no se vardà né dona né tela
A la Nunsuada a se buta via la pignata
A la piègora tanto ghe fa ca el lovo la magna o che'l
becaro la scana
A la siera a se conose i òmeni
A le teze, a se inpianta i fazoli co'l sciopo
A lujo el sol el bruza anca le raize
A magnar on spigo de ajo a se spusa fà manjàrghene
na resta
A mezojorno tute le méscole le para torno
A Nadale co i toi a Pascua co chi te voi
A no basta ver razon, ocore anca ca i te la daga
A no bezogna fare fogo fora da la pignata
A no bezogna mai spuar inte'l piato se a se magna
in du
A no ghe xe pecà senza remorso
A no névega mai ca el sol no'l discoverza

A no se cava sangue da i rapani
A ocio a se se spoza, el resto A'l se mezura
A onor de San Benedeto se no'l buta verde el buta
seco

Oto ani se xe putei, a otanta se xe ancora cueli
Otobre tuto el vin inte le bote
Pascueta l'àlbaro co la rameta
Pestarghe so la coa, anca on can ca dorme el se volta
indriò

A poca voja no a ghe manca scuza
Robar poco a se va in galera, a robar tanto se fa
cariera

San Andrea el fredo el te pela
San Andrea el fredo monta in carega
San Antonio da la barba bianca, o piova o neve no la
manca

A San Antonio on paso de demonio
A San Bàrnaba, el di pi longo de l'istà
A San Bernardin a fiorise el lin
A San Biajo el fredo el va adazio
A San Bovo se ronpe el primo ovo
A San Clemente veci e puteli i bate el dente

A San Firmin, sémena el contadin
A San Joachin el primo freschin
A San Justo el mosto mi me gusto
A San Justo vin novo mi me gusto
A San lorenzo ogni stela on chirielenso
A San luca el tenporal el va in suca
A San Marco la polenta fora da'l sacco
A San Marco, va a far marenada so'l campo
A San Marco, voja o no voja ghe la foja
A San Martin, sèlega e storlin intorno a'l camin
A San Mateo ogni fruto el xe conpiò
A San Paolo le roze le va in calo
A San Roco le noze le va in zgaboto
A San Roco le nozele fa el zgaboto
A San Tomìo le giornade le torna indrìo
A San Venzèllo da i fruti a scanpa el bao
A San Zen la rónzene la xe drio venjer
A San Zen semenza in sen
A Santa , a piove pena pena
A Santa Catina le vacche le va in bina
A Santa Catina neve, giaso o brina ma se no'l ghe
ze, San Andrea spetè

A Santa Cristina a xe parecià l'ua spina
A Santa Croze pan e noze
A Santa Donatela la zlùzega inte la sestela
A Santa Justina a se mete via la scaldina
A Santa Njeze le sisorbole par le sieze
A Santa Rita le done le va in jita
A Santa Tereza le lòdole inte la teza
A Santi veci, a no se inpisa pi candele
A scumisiare i laori de vénare, la roba la va in sénare
A se cambia pi speso de mestier ca de camiza
A se se nega pi inte'l vin ca inte l'acqua
A semo done e tanto a basta, nualtre semo tute de na
pasta
A certa zente, se a te ghe dè on deo i se tole on braso
A sete ani i xe puteli a setanta 'ncora cueli
A setembre braghe de tela e moloni no i xe pi boni
A so lustro fà el cul de na secia
A so tristo fà on can ca no'l sa pi cosa pensar de'l só
paron
A supiar le bronse ven la sénare inte i oci
A tirarse masa indrìo a se fenise col culo in rio
A tola a no se vien mai veci

A Trincar senza mezura manco a se dura
Trincar senza mezura, tanto tenpo a no se dura
Vinti ani cielo ca a se vol, a cuaranta cielo ca a se
pol a sesanta anca el can el se dà la man
Vivar co la testa inte'l sacco a xe bon ogni macaco
A olte da bruti sochi a se cava bone stele
A olte le parole le xe pezo de le cortelade
A olte, la fémena la xe fà la castagna: bela par fora,
ma zmarsa rento
A xe mejo ver i corni in scarsela ca in testa
A xe mejo dire “poso” pitosto ca dire “gavarìa
posuo”
A xe mejo èsar bechi e ver da becar, ca no èsar bechi
e no ver da magnar
A xe mejo èsar invidià ca conpatìo
A xe mejo èsar tacà fà le sireze, ca da soli drio le
sieze
A xe mejo far caregheta de oro ca cascar da'l
caregon
A xe mejo far fà San Tomazo e ficarghe el nazo
A xe mejo far rìdar ca piànzar
A xe mejo morir ca voltarghe la schena a on omo
justo!

A xe mejo pèrdar on deo ca na man
A xe pi fàsile far le piaghe ca guarirle
A xe sior chi ca el se contenta de poco ma vèdar de
aria a no se pol
A xe sol ca i mati ca i conta i só fati
A zenaro ogni galina la fa el gnaro
A'l cor ca canta la paze no la ghe manca
A'l marcà de majo ghe xe vache ca no la fa late, bo
ca no i tira e òmeni ca i fa fadiga
A'l poareto a ghe manca tante robe, a l'avaro a ghe
manca senpre tuto
A'l primo de agosto a se magna le ànare par rostro
A'l rosaro sagra e procesion sara la stajon
A'l sole de marso e a l'amor de le toze a no se ghe
crede
A'l tempo e a le fémene de i altri a no se ghe pol
comandare
A'l Tolentin el porselo el va fato ingrasare co i scarti
par el vin
A'l xe brutto fà la tenpesta de majo
Aceta na sciafa da on amigo, refuda on bazo da'l
nemigo
Acua de tenporale poco la vale

Acua de zugno ruina de munaro
Acua e dezOn le xe le medezine pi segure
Acua e sal remedio a ogni male
Acua padre, che'l convento el se bruza
Acua turbia la no fa specio
Aduladori e peoci i xe la stesa rasa
Agosto el compise setembre el madunise
Agosto no el fa suta se lujo no ghe juta
Ala de capon, culo de castron e tete de masara i xe
na roba rara
Alba rosa o vento o giosa
Alegresa de cor fa bela la pelaura de'l vizo
Alegresa la fa scanpar, pasion la fa crepar
Altro a xe parlar de morte e altro a xe morire
Amar e no venjer amà xe fà netarse el cul e no ver
cagà
Amar e no venjer contracanbià el te lasa el core e
l'ànemo scavesà
Amigo de tuti, amigo de gnison
Amigo vecio e caza nova
Amor de mojer morta, dura fin a la porta
Amor de putana e vin de fiasco la sera bon e la

matina guasto

Amor de putana, carità de frate, le more pena nate

Amor de vecio fà el sol de inverno

Amor e zelozià i sta in conpanjìa

Amor grandò, dolor grandò

Amor no'l porta respeto a gnison

Amor senza barufa el fa la mufa

Amor, merda e sénare le xe tre robe tènare

Amor, toze e pansa no i se sconde

Ànara lesa e bìgolo tondo, de sera contenta el mondo

Anca i muri i ga rece

Anca l'ocio el vol la só parte

Ndar drento par el bo e venjer fora par la vaca

Ndo ca a ghe vol i fati le ciàciare no le basta

Ndo ca a no se crede l'acua la ronpe

Ànemo seguro par le versità el xe fà on muro

Ano novo vita nova par fémene, òmeni e putei

April, Aprileto, on di fredo e uno fredeto

April, dolse dormir

April e majò i xe la chiave de tuto l'ano (agrario)

April el ga i fiori, majò i odori

April piovozo, ano frutuozo

Aprile, Aprileto ogni di on gioseto

Ara fondo se a te voli far el granaro tuto tondo
Arcobalen a la matina el bagna el beco a la galina

Aria de fenestra, colpo de balestra

Aria fresca setenbrina la parecia el cazadore la
matina

Autuno piovozo, inverno nebiozo

Ver i schei no basta, ocore sverli spéndare

Ver manjà el mènego de la spasaora

Ver na testa ca la ghe pol far da specio par le lòdole

Bacalà a la vizentina bon de sera e de matina

Balar co la só fémena xe fà magnar polenta e fortaja

Barufa de fradelì pezo ca flazelì

Basta na fontana a farghe dano a l'ostarìa

Bastieme e orasion le fa tute devosion

Bati el ladro o el viliaco, ma no el putelo né l'omo
vecio

Bazo no'l fa buzo, ma el xe scala par andar suzo

Bazo par forza no'l val na scorsa

Bele parole e cativi fati i ingana savi e mati

Benedeto da Jezù chel corpo là ca a ghe piove su

Bevè de'l vin moro ca vadagnarè na bela siera
Bianco e nero meneme caza
Bìgoli, bìgoli, pan gratà, andar co le fémene a no xe
pecà
Bon fogo e bon vin e me scaldo a'l camin
Bona dota la marida anca na sota
Bonora a la fiera, tardi a la guera
Botega senza roba la xe fà na scarpa senza sola
Braghe onte, palanche pronte
Bruti schersi i fenise in barufa
Butar via la neve, bàtare le noze e copare la zente, i
xe tri laori fati par gninte
Can scotà da acua calda el ga paura de la freda
Can vecio no'l zbaja a la luna
Canbia i preti tanti altari, canbia la zente tante
madone, canbia i òmeni tante done
Cantar tuti i canti, ma mai cielo là de'l merlo
Cao curto vendema longa, tanti pànpani gninte ua
Cao de l'ano veneto
Carne de vaca e legna de figaro par far festa a
l'amigo pi caro
Carta, pena e calamaro i te conta la paja inte'l pajaro

Caval bianco e bela mojer, i dà senpre pensier
Caval che'l varda indrì el ga poca voja de ndar
vanti

Caval, putana e persegar trenta ani no i pol durar
Cavalò vecio e servidor cojon no i ingana el paron

Caveji e goti no i xe mai masa

Ceze e canpanil destacài parché i ga barufà

Ceze e ospedali no i falise mai

Che la piazza, ca la taza, ca la staga caza

Che piove el dì de Santa Ana, piove on meze e na
stimana

Chela man là ca no se pol morsegare a se ga da
bazarla

Chi ca ama el foresto, ama el vento

Chi ca ara la tera bagnada, par tri ani la ga disipà

Chi ca arte no'l sa far, botega el sara

Chi ca bastona el só cavalo bastona la só scarsela

Chi ca bàuca el strabuca

Chi ca cambia la natura, presto in sepoltura

Chi ca ciama Dio no i xe contenti, chi dize ahimé, i
xe inamorài; chi ciama el diàvolo i xe desparài

Chi ca ciapa regali el vende la só libartà

Chi ca co done va e musì i mena, i crede de rivar a
diznar e no i riva gnanca a sena

Chi ca compra a'l ciaro e el vende a'l scuro el fa boni
afari de seguro

Chi ca copa on polze de zenaro, el ghe ne copa on
sentenaro

Chi ca da'l loto el speta juto, el fa el pelo longo fà on
lupo

Chi ca davanti te leca de drio el te zgrafa

Chi ca de tuti se fida, prima o dopo i peta rento inte
na trista guida

Chi ca desfa bosco e desfa pra, i se fa dano e no i lo
sa

Chi ca dize el vero i se fa stimar

Chi ca dorme de majo i dezuna de setembre

Chi ca fa contrabando i vadagna a no so cuanto

Chi ca fa el pecà, i fasa anca la penitensa!

Chi ca fa l'indian el xe scaltro, el la sa longa so de ti
e anca su chel'altro

Chi ca fa la festa no la gode

Chi ca fa le scarpe no le mete; chi ca le mete no le fa

Chi ca ga el cao da la soa, el ga in culo le só varde

Chi ca ga el mànego in man lo dòpara

Chi ca ga el menestro in man ghe ne dà a chi che'l
vole lu

Chi ca ga la camiza sporca no el vaga a lavar cuela
là de i altri

Chi ca ga le scarpe rote el crede ca tuti i lo varde

Chi ca ga na bona stela el la tegna par majò

Chi ca ga na cativa mojer no el ga bezogno de'l
diàvolo

Chi ca ga paura de dir, no el xe degno de far

Chi ca ga paura de'l diàolo no'l ciapa schei

Chi ca ga perso la reputasion no el ga pi gninte da
pèrdar

Chi ca ga pi bo el tira fora el caro

Chi ca ga piègore el ga lana, chi ca ga mojer el ga
corni

Chi ca ga rece l'intenda, chi ca ga schei i spenda, chi
ca ga boca el se defenda

Chi ca ga schei da butar via l'indora la casa de
foravìa

Chi ca ga schei el conta, chi ca ga bela mojer el
canta

Chi ca ga on amigo el ga calchedun, chi ca ga on
parente no'l ga nisun!

Chi ca ghe dà reta a'l sogno, el zè mato pi de'l
bezogno

Chi ca ghe va drio a i altri no'l pasa mai davanti
Chi ca gode de la morte de i altri el ga la sua visina
Chi ca governa la só pel el governa on bel castel
Chi ca grata la rogn a i altri, el renfresca la sua
Chi ca in boca el ga l'amaro no el pol spuar dolse
Chi ca la fà el se la dezméntega, chi ca la reseve el
se la recorda

Chi ca laora co'l sarvelo, el sparagna de suare co'l
martelo

Chi ca laora el magna, chi ca no'l laora magna e
beve

Chi ca laora ga na camiza, chi ca no laora el ghe ne
ga do

Chi ca mal se marida no'l se cava mai fora da la
fadiga

Chi ca magna in presa el se stràngola

Chi ca magna le candele el caga i stopini

Chi ca magna tanto rizo, dopo a ghe toca bévare
làgreme

Chi ca masa se inchina, el zbrega le braghe e el
mostra el cul

Chi ca masa se tira in drio, el fenise co'l cul restiò

Chi ca nase mato no'l guarise mai

Chi ca nase oco el cata senpre chi ca lo spena

Chi ca nase sfortunà, el se ronpe el nazo anca co
che'l casca de schena

Chi ca no ama el can no'l ama gnanca el cristian

Chi ca no beve e no'l tabaca el vive a'l modo de na
vaca

Chi ca no cura la vizela de agosto, de ottobre no'l fa
mosto

Chi ca no ga fame o el xe malà o el ga za manjà

Chi ca no ga schei, no'l gapia voje

Chi ca no magna el fala, chi ca beve el ciapa la bala

Chi ca no more in cuna, a ghe ne inpara senpre
calcheduna

Chi ca no pisa in companjà o l'è on ladro o l'è na
spia

Chi ca no rèzega no rózega

Chi ca no sa far no el pol comandar

Chi ca no sa ubidir no'l sa comandar

Chi ca no scolta el dotore, el scoltarà el bechin

Chi ca no se inzegna, el fa la tegna

Chi ca no se resente, no'l xe fiól de bona zente

Chi ca no xe de pena el ghe remete de schena

Chi ca no xe falso no'l sa regnar

Chi ca no xe fortunà no'l vaga a'l marcà

Chi ca pasa lotho, Domeje e Vodo el pasa par ogni
logo

Chi ca perde la stima no l'é pi fà prima

Chi ca pianze par tuto e par tuti el fenise par pèrdare
i oci

Chi ca pisa contro vento el se bagna le braghe

Chi ca pisa contro vento el se zbilansa ma no'l xe
contento

Chi ca punta a'l loto no'l magna né crudo né coto

Chi ca poza el culo inte le ortighe el sente ghe el ghe
zbruza

Chi ca poza el culo sora le ortighe, el sente che'l se
informìgola

Chi ca prima no pensa in ùltema el sospira

Chi ca ride masa el ga natura de mato, chi ca no ride
el ga natura de gato

Chi ca scapa via da on mato el se ga vadanjà la
jornada

Chi ca schersa a olte el fa da'l bon

Chi ca schersa el dize anca la verità
Chi ca scomisia male, el fenise pezo
Chi ca se caga doso el se tien la só spusa
Chi ca se destira pi de i ninsoli, el se scoverze i pièe
Chi ca se fa i afari sui, no i se sporca le man
Chi ca se gode far bacan no'l ga sarvelo san
Chi ca se inbauca, el se strabuca
Chi ca se loda da só posta, el se incorona de merda
Chi ca se marida de carnevale el scursa le ganbe e'l
zlonga le bale
Chi ca se marida vecio el sona de corno
Chi ca se mete par man de avogado el perde l'ùltemo
ducado
Chi ca se tol par amor par rabia el se lasa
Chi ca se vanta da èsar bravo in mare el xe mato da
ligare
Chi ca sémena co'l suto, el rancura bon fruto
Chi ca sémena el sincuantin prima de San Piero el
gavarà on raccolto intiero
Chi ca sémena in ottobre el taja in zugno
Chi ca sémena spini no'l vaga via descolso
Chi ca serca de far la buza a i altri el se la fà a lu

steso

Chi ca serca moroza el cata, chi ca serne el
s'insavata

Chi ca serca ronje el cata ronje

Chi ca serca on amigo senza defeti el resta senza
amigo

Chi ca sparagna el gato el magna

Chi ca spua in alto el se bagna la faccia

Chi ca sta co le man in man uncó el ga poco e manco
doman

Chi ca sta soto la napa de'l camin, el spusa da fumo

Chi ca supia inte la pólvare, el se inpiena i oci

Chi ca tuto magna tuto el caga

Chi ca va a'l molin el se infarina, chi ca va a putane
el se rovina

Chi ca va co i siori el more so la paja

Chi ca va drio a i altri no'l pasa mai vantì

Chi ca va in leto senza sena tuta la note el se ramena

Chi ca va par el mondo e tuto el vede, e chi ca sta
caza no'l ghe crede

Chi ca va Roma e portando on bon borsoto el
deventa abate o vescovo de boto

Chi ca vardà cartelo no'l magna vedelo

Chi ca varda la luna el casca inte'l foso
Chi ca vol ciapare el pesebezogna ca el se bagna el
culo
Chi ca a vol èsar on mato parfeto el fiscia in tola e el
canta in leto
Chi ca a vol far el stronso masa grosso, a ghe vien le
làgreme a i oci
Chi ca a vol provar le pene de l'inferno el vaga
Trento d'istà e Feltre d'inverno
Chi ca a vol provar on caval el vaga da Feltre a
Sividal
Chi ca a vol sentir tibidoli el vaga Ndo ca a ghe xe
femene e barcaroli
Chi ca a vol star ben, el ciape la vita fà ca la vien
Chi ca a vol star san el pisa speso fà on can
Chi ca a vol strènzare el sielo l'inbrasa el vento
Chi ca a vol tenjer la caza monda, no'l tegna né
polastri né colonba
Chi ca a vol tuto el more rabià
Chi ca a vol véndare el mete in mostra
Chi ca a vol vento el vaga a i frari, chi ca vol ladri el
vaga a Bari
Chi ca a vol vèvar senza pensieri el ghe ne ga pi de i

altri

Chi ca a xe a'l coerto co ca a piove, l'è on mato se'l
se move

Chi ca a xe alegro de vénare el pianze a'l sabo

Chi ca a xe amigo de'l vin, el xe nemigo de sè steso

Chi ca a xe de bela forma de majo el retorna

Chi ca a xe in defeto el xe in sospeto

Chi ca a xe oco a xe mejo ca el staga caza sua

Chi ca a xe stà batizà co l'acua de poso, el spusa
senpre da freschin

Chi ca a xe stà becà da na serpe, el ga paura anca de
le bisàrdole

Chi ca a zguasa da zóvene el trìbola da vecio

Ciapa el tenpo fà ca el vien sia de inverno ca de istà

Ciaro mi te vedo, speso a te ricordo, ogni tanto a te
frego

Co a fa belo el di de San Filipo ogni poareto el ga
bezogno de'l "rico"

Co a no vien da'l cor, cantar a no se pol

Co a slavaja de agosto, a piove miele e mosto

Co a se barata, uno el ride e l'altro el se grata

Co a se ga da pagar a se cata tuti, co a se ga da tirar a
no se cata pi gnison

Co a se mete la roba da festa ogni dì, o a se xe mati o
no a ghe n'è pi

Co a se perde i primi fruti, i xe persi tuti

Co a se sta ben, a no bezogna farse ronpare i osi par
star mejo

Co a se vien veci, a se perde la virtù e tuto a se retira

Co a se xe àzeni de matina; a lo se xe anca de sera

Co a se xe rente a on santo, a se ciapa on toco de
virtù

Co a te vien voja de ridar de chealtri conprate on
specio

Co canta el rospo, l'inverno el xe morto

Co càpita on bon bocon chi ca no l'aprofita el xe
mona o cojon

Co casca l'àlbaro tuti i fa legna

Co el cavejo el taca a'l bianchin, manco Vènare ma
on goto de vin

Co el corpo el se frusta l'ànema la se justa

Co el cuco el canta el laoro no'l manca

Co el formento xe so i canpi, l'è de tuti cuanti; co l'è
inte i granari, l'è de i uzurài

Co el giaso de april, a va el vin grosso e anca el sotil

Co el gran el se incurva, a'l contadin se indrisa la

goba

Co el lovo el diventa vecio, anca i cani i ghe pisa
doso

Co el vin el va zo, la zbàtola la ven sù

Co i laori de festa el diàvolo el se fa la vesta

Co i nase i xe tuti bei, co i se marida i xe tuti siori,
co i more i xe tuti boni

Co i pìcoli i parla i grandi i ga parlà

Co i Santi i cata el tenpo roto i lo justa; se i lo cata
bon i lo guasta

Co la barba la trae a'l grizin, lasa la dona e date a'l
vin

Co la cavala la xe mia, tuti la vorìa ma guai a chi ca
la me la porta via

Co la Dolorada a se va verso l'invernada

Co la fame a xe tuto ben consà

Co la merda la monta in scagno, o la spusa o la fa
dano!

Co la neve la se retira a vien fora le scoase

Co la torta la xe spartìa in on sciantizo la xe fenìa

Co la vaca la tien su el muzzo el tenpo brutto el salta
suzo

Co le ciàcole a no se fa frìtole

Co le formighe le va in procesion de piova a xe
segno bon

Co le mosche le beca, a xe segno ca el tenpo el
cambia

Co le tre “T” a se fà tuto: tenpo, testa e talenti

Co le xe toze, le fémene le ga sete man e na lengoa
sola; co le xe maridà, le ga sete lengoe e na sola man

Co manca el mejo i ozeli i se beca

Co manca el timon a no ghe xe pi diresion

Co manca i cavali a xe boni anca i musì

Co marso a se razenta formento e polenta

Co more el vecio la caza la se desfa

Co more on creditor, bate calche cor

Co na toza la se taca a’l foresto, a ghe manca el bon
sesto

Co no le sbate, le tete no le fa late

Co piove co el sol, le strìe le fa l’amor

Co poco a se vive co gninte a se more

Co San Marco el comandava a se diznava e a se
senava; soto Fransa, brava zente, a se diznava
solamente; soto caza de lorena a no se dizna e a no
se sena; co la caza de Savoja de’l magnar resta la
voja!

Co te beca n'anda ciapa la baila e vanga
Co tre galine e on galo a se fa el marcà a Malo
Co tuti i fiori a no se fa maseti
Co tuti i te dize inbriago va in leto
Co on scheo de cojon a te pol viajar el mondo da
finton
Co Venesia la comandava, a se diznava e a se
senava; co i fransezi, brava zente, a se diznava
solamente;
Co'l pan a se fa balare i cani
Co'l pelo, la pecunia e la protesion a se ga senpre
razon
Co'l Segnor no'l vol, gnanca l'omo no pol
Comare e preti i porta segreti
Conpià o da conpire, i boce la vole vèrzare
Complimenti e inchini no i costa gninte e i rende
cuazi senpre
Consìjete da'l vecio, ma fate jutar da'l zòvane
Contentarse de poco a xe on mestiere poco conosùo
Copare i òmeni e batar le noze a xe tenpo perso
Corni de bo, sòcolo de cavalo, boca de can, senpre
lontan
Costa de pi on visio ca dieze fioli

Crédaghe poco a cuél ca te vedi e no sta' crédarghe
gninte a cuél ca te senti

Cristo el xe zmontà da la só mula par tor sù na
frégola

Co ca a fa tenporal prima de San Benedeto, gh'è
ancora on bel inverneto

Co ca a piove de Pascua, la bronba la va in tasca

Co ca a se compra on fondo a se ga da star tenti a le
cuatro "F": fonti, fiumi, frati e forche

Co ca a se sta ben a no bezogna farse rónpare i osi
par star mejo

Co ca a se vende o a se compra no ghe xe amisi ca
teguna

Co ca canta el cuco le piègore le xe dapartuto

Co ca el caro l'è onto, l'è senpre pronto

Co ca el cuco el canta so la rama nua a xe segno ca
la stajon la xe crua

Co ca el galo el canta dopo sena, se a xe nuvolo el se
rasarena

Co ca el galo el canta zo de ora, doman a no xe pi
tenpo de 'sta ora

Co ca el gato el se lava le rece, da pidoman a xe
piova a sece

Co ca el merlo el canta de amore febraro el fenise in

calore

Co ca el tegnozo el more i schei i respira

Co ca el tenpo el se muda, le bestie le stramuda

Co ca el tenporal el vien da Basan toli la sporta e và
par pan

Co ca i bìgoli i riva in boca tuti i xe boni a magnarli

Co ca l'acua la toca el culo tuti i inpara noare

Co ca l'ànzolo el se bagna le ale, a piove fin Nadale

Co ca la barca la va, ogni stupido la para

Co ca la Calvarina la se incapela vendi le cavre e
conpra l'onbrela

Co ca la fame la vien rento par la porta, l'amore el
va fora da la fenestra

Co ca la luna la ga el culo in moja, a piove voja o no
voja

Co ca la serva la se magna el rosto el gato el se ciapa
la colpa

Co ca la superbia la galopa, la vargogna la ghe stà in
gropa

Co ca le nuvole le pasa el mare bel tenpo el ga da
fare

Co ca le scàrdole le salta, a xe segno de bel tenpo

Co ca piove el di de San Gorgon, a piove tuta na

stajon

Co ca on l'è inbriago tuti i vol darge da bévare
Co ca on pare el ga masa roba el fiolo no'l ga pi
testa

Co ca on poareto el magna polastro o sta male el
polastro o sta male calche altro

Co che'l tenpo el va ben ogni mato el fa el fen
Co la luna la ga el culo mojo, a piove voja o no voja
Cuatro lagremete, cuatro candelete, voltà el canton,
pasà el dolor

Cuazi senpre pi ca i òmeni i studia, pi mone i
deventa

Cuco da la coa riza, cuanto xe ca ghe manca parché
mi me fasa novisa

Cuel ca no'l stràngola l'ingrasa cuel ca no l'ingosa
el pasa

Cuel ca zbrisia no'l va in conto

Cueli de Casan se no i te lo casa uncó, i te lo casa
doman

Cueli là ca i vol vèdar contenti i sta distante da i
parenti

Cul ca caga no gh'è oro ca lo paga
Da brute soche a vien fora bele stele

Da caval e da mulo a tri pasi da'l culo
Da festa a i scolari, festa o no festa scola a no se
resta
Da i Santi, merda in boca a i ozelanti
Da i zenoci in zo tuti oci, da i zenoci in su solo in du
Da l'ongia a se conose el lion
Da la nunsiasion la mónega la va in on canton
Da la peca a se conose la bestia
Da la Santa Croze pan e noze
Da la Seriola de l'inverno a semo fora
Da la stria tute le feste a se scoa via in companjìa de'l
pi fredo ca ghe sia
Da le ruse a no se vendema ua
Da otobre el vin inte le doghe
Da San Bàrnaba l'ua la vien e el fiore el va
Da San Benedeto la rondine so'l teto
Da San Biajo la tera la xe a só ajo
Da San Bortolamio le sizile le va co Dio
Da San Bortolamio ogni fruto l'è conpiò
Da San Brunon a xe pronto el maron
Da San Damian a vendema anca el vilan
Da San Gregorio Papa, le sizile le pasa l'acua

Da San Isepo buta via la mónega da'l leto
Da San Isepo le sizile soto el coerto
Da San Justin la prima ua la fa el torbolin
Da San Martin l'inverno el xe in camin
Da San Matìo la marenda la va indrìo
Da San Matìo ogni fruto el xe conpiò
Da San Matìo tuto el bon l'è fenìo
Da San Michel varda el siel se el xe seren
Da San Simon a se cava ràpani, ravi e ravizon
Da San Simon la fémena la veste l'om
Da San Simon la piova la va benon
Da San Tisian a fa on fredo can
Da San Tomìo le jornade le torna indrìo
Da San Urban sireze a piene man
Da San Urban varda el monte e lasa el pian
Da San Valentin la verta la xe visin
Da San Vio la mojer la bate el marìo
Da San Zen, a se mete i cavalieri inte'l fen
Da Santa Bertila a no se vede pi na sizila
Da Santa Bibiana cuaranta di e na setimana
Da Santa Catina parecia la fogara e la scaldina

Da Santa Emerensiana i di i se zlonga na spana
Da Santa Joconda el fredo l'abonda
Da Santa Justina tuta la ua la xe marzemina
Da Santa lusia a Nadal i di i se zlonga on pie de gal
Da Santa lusia el fredo el crusia
Da Santa Madalena, la noza la xe piena; pronta o da
maurar, i boce i la vole tastar
Da Santa Njeze la lizarda la va par le sieze
Da Santa Polonia la tera la perde la rognà
Da Santa Seconda el fredo l'abonda
Da Santa Toscana el sorgo el xe mojo inte la cana
Da soli no se sta ben gnanca in paradizo
Da on dezgrasià senjà da Dio starghe pure tri pasi
indrì
Da'l bo davanti, da'l muzo de drio e da la dona da
tute le bande
Da'l mulo, tri pasi distante da'l culo
Da'l pardon d'Asisi trai la sapa in on canton
De agosto l'ua la scomisia fare el mosto
De agosto no vien la suta se lujo no'l lo juta
De amighi a sta ben vèrghene anca in caza de'l
diàvolo

De aprile a se lava le scudele e a se va dormir; de
majo a le se lasa so'l seciaro

De aprile broa sù i piati e và dormir

De aprile ogni jorno on barile

De aprile xe tornà le sizile

De aprile, co canta el rospo, sta' pur seguro ca
l'inverno l'è rosto

De aria a no se vive

De Basan i busolài, de Sitadela la poentina de Àzolo
le fugase

De carnevale ogni scherso el vale

De drio a'l cativo vien el bon

De febraro a no se parla, el xe on meze tanto fin e
che'l sa da brustolin

De la prima Madona de agosto se a xe belo a ottobre
gran mosto

De la seriola da l'inverno semo fora, ma tra nùvole e
seren cuaranta di ghe n'avem

De la seriola on caro de fen par la bestiola

De le calende a no me curo purchè San Paolo no'l
me varde scuro

De le olte, na buzìa la salva na verità

De matina l'aria fresca la tien la vita sana e lesta

De note tute le vache le xe more
De San Beniamin el fiore a'l posto de'l spin
De San Brunon xe pronto el maron
De San Jasinto el siel el pare on depinto
De San Matìo ogni fruto l'è conpiò e el primo tordo
l'è el mio
De San Roco le noze le fa zgaboto
De San Simon xe pasà la lòdola e anca el lodolon
De San Stèfano stà tacà a'l fogo
De San Valentin a se veste el grando e anca el
picinin
De San Zorzo a se semena l'orzo
De Santa Ana le piove le xe na mana
De Santa Bertila xe 'ndà via la sizila
De Santa Catarina, i tira fora la scaldina
De setembre l'ua e el figo i pende
De setembre, de fruti ghi n'è senpre
De setembre: vin vecio e lasa star el mosto
De siori ghe ne xe de tre sorte: sior si, sior no e sior
mona!
De trenta, l'omo l'è belo; de cuaranta, el fa sarvelo;
de sincuanta el fa la roba; de sesanta el fa la goba

De zenaro i gati i va in gataro
De zóveni ghe ne more calchedOn de veci a no
scanpa nisun
De'l tuo dàmene, de'l mio no stame a domandar
De'l vin, el primo; de'l café, el secondo; de la
ciocolata, el fondo
Dèbito sputanà dèbito mezo pagà
Defeto e sospeto i ga catà la caza insieme
Dighe na volta sola a na dona ca la xe bela e el
diàvolo el ghe lo repete almanco dieze olte
Dime bruto, dime can, ma no sta' dirme mai vilan
Dio el ne vardà da'l sielo intra le do Madone
Dio el ne varde da i Santi ca magna
Dio el sara la porta e el verze on porton
Dio el te salva da magnador ca no'l beve
Dio el te vardà da la gata ca la te leca
Dio el te vardà da'l colera, da la guera e da cueli là
ca i vardà senpre par tera
Dio ne vardà da on bon zenaro
Disenbre da la bruma, tute le pese le se ingruma
Disenbre davanti el te scalda e da drio el te ofende
Dódeze galine e on galo i magna fà on cavalo

Dolor confidà el xe guarìo par metà
Dolor de parto no'l parte
Dona ca la mena l'anca o la xe vaca o poco a ghe
manca
Dona e luna, ora serena e ora bruna
Dona granda da vardar, dona piccola da gustar
Dona, gata e bizata no le more mai
Done bele e vin bon, i xe i primi a farte cojon
Done e sardele le xe bone picenete
Dopo la sincuantina, na magagna nova ogni altra
matina
Dota fata, morozo no la cata
Duturi e preti no i dà mai gninte par gninte
Dove ca a ghe xe le toze inamoràe a xe inutile tenjer
le porte saràe
Dove ca comanda le done e comanda le vache a se
vede le coze mal fate
Dove ca mete raize la malisia a no ghe crese
l'amicisia
Dove ca sapa le done e ara le vache le panoce le vien
su siape
Dura de pi na pignata rota, ca una sana
E mi so disenbre vecio, ca a ghe piazze stare a'l fogo,

co on amigo o du par specio
E mi so disenbre, a paso parché in stala se fa el giaso
E mi so majo de i fiori, cuel là ca el porta la
ghirlanda inbriagà de mile odori
E mi so novembre alegro, cuel là ca el spoza le
novise e ca el fa pasar le spise
E mi so setembre ciaro, cuel là ca el fa sciocar le tine
de uve dolse e marzemine
El bel capon el xe senpre de stajon
El bezogno el fa a punji co la leje
El bianco e el roso i va e i vien, el zalo el se mantien,
ansi el zalo el xe on colore forte, che'l dura anca
dopo la morte
El bocon bon el xe pa el prete de fameja
El cafè el xe bon scotente, sedente e par gninte
El caldo de i ninsoli no'l fa bojar la pignata
El can de tanti paroni el more de fame
El can mostra i cojoni, i cojoni i mostra i schei
El capelo de'l prete el ga la punta a tri cantoni, una a
ponente, una a levante, l'altra par ciavar la pora jente
El capise bizi par fave
El ciapar l'insegna a spendar
El conose anca el can de'l strasaro

El contadin el xe senpre sior st'ano ca vien
El destin el xe na rua ca la fortuna la fa jirare
El di a se ga da lodarlo la sera
El di de i morti la neve l'é a le porte
El diàvolo el juta senpre i sui
El domo de Milan el costa manco de na piova de
lujo
El donare no el xe mai caro se chi lo reseve no'l xe
on somaro
El fazolo, anche se'l boje du di, no'l diventa mai on
bizo
El figo no'l xe bon se no el ga la giosa de pincolon
El formajo a la matina el xe oro, a mezojorno el xe
arzento e a la sera el xe pionbo
El fruto no'l casca mai lontan da l'àlbaro
El ga la spolvarina e la caza senza farina
El gato el bróntola senpre anca Co che'l xe contento
El gato el xe fà la roza, se no'l dorme el se rapoza
El ladro dove che'l sta no'l roba
El laoro de festa el va fora pa la fenestra
El lardo vecio consa la menestra
El leopardo no'l perde mai le mace

El leto l'è el paradizo de i poareti
El loto el xe l'ultima speransa de i desparài
El mal de la pria el xe el pi vecio ca a ghe sia
El mal el xe na trista companjia
El mal no'l domanda parmeso
El malà no'l magna gninte: el san magna tuto
El mar el xe el fachin de la tera
El marìo el ga da ciapar e la fémena da tègnar se no i
vol ndare tuti du par carità
El mascio el ghe ga dito a'l muso: bezogna tegnarse
neti
El mascio el xe na muzina
El matrimonio el scomisia co soni e canti e el fenise
co barufe e pianti
El matrimonio el xe l'ultima medezina ca a se ghe dà
a i mati
El meze de zugno el se inpiena el pugno
El mondo el xe fato a scarpete, chi ca le fa e chi ca le
mete
El mondo el xe mezo da véndar e mezo da cronpar
El more de fame in on forno de pan
El morir el xe l'ùltema capela ca a se fa

El morozo el ga da ver cuatro S: solo, savio, solècito
e segreto

El muso dopo manjà a la gripia el ghe volta el culo

El nazo de i cani, el culo de i òmeni e i pie de le
done i xe senpre fredì

El nome bon el ne mantien vivi anca dopo morti

El nome bon el xe el mejo capitale de ‘sto mondo
cuà

El nome de i musì el xe scritto par tuti i cantoni

El pan el xe senpre duro par chi ca se lo ga vadanjà
co onestà

El pan fora de caza el xe masa salà o desavìo

El pare el fa l’omo e el fiolo el fa canpion

El pare el fa la caza, i fioli i se la gode

El pare el fa la roba e i fioli i la vende

El paron: anca co’l torto el vol senpre razon

El peocio ca casca inte la farina el se crede on
munaro

El pese el ga da noar tre olte: prima inte l’acua, dopo
inte l’ojo e la tersa inte’l vin

El petégolo el xe na spia senza paga

El pezo fior el xe cielo de’l vin

El pi bon de i rosi el ga copà só pare de doménega

par no pèrdare tenpo durante la setimana

El poareto no'l fa mai ben, se more la vaca, a ghe
vansa el fen, se la vaca la scanpa el fen el ghe manca

El pole pisare in leto e dire che'l ga suà

El pomo zmarso el zmarsise i pomi boni

El prete el ga tre man, do par tore e una par no dar
gninte a gnison

El primo amor el toca el cor

El primo ato de pasìa el xe tègnarse sani

El primo de ghirlanda cuaranta el ghe ne comanda

El primo fiole l vien da Dio, el secondo l'è de'l
mondo, el terso de chi ca te voli, el cuarto l'è capità

El primo omo mona che'l Segnor el ga fato l'è
venjesto zo da'l sielo a spozar na dona

El Retron ogni ano el fa on pienon

El rizo el nase inte l'acua ma el ga da morire inte'l
vin

El roso el xe de l'avogador, la ciara la va par le
speze, la zgusa par chi ca vinse

El sciopo descargo el ghe fa paura a du

El Signore co'l ga creà la sapa el ghe ga fato anca el
mànego

El Signore el juta tuti fora ca i desparài

El sielo pecorin, el promete on bel matin
El sol el tramonta e i ani i sponta
El sole de la matina no'l dura tuto el dì
El sono el xe na morte picinina: se el more de sera,
el se zveja a la matina
El sorgo el dize: sémename ciaro se te voli portarme
via co'l caro
El sorgo el fa bon gran, Co ca el ga la ganba da
venesian
El sorgo el va semenà co la jacheta indoso
El sorze furbo no'l ròzega tuto
El tenpo e la razon i xe senpre de'l paron
El tenpo el maura el formento ma no l'ara el canpo
El tenpo el pasa e la morte la vien, beati cueli là ca i
ga fato el ben
El tenpo el xe bon testimonio
El tenpo no'l se ga maridà, par poder fare cuel che'l
voleva
El tenpo perso el diventa memoria ma el dà pi
fastidio ca gloria
El tenpo, el culo e i siori i fa cuel ca i vol lori
El tropo poco e el masa tanto i rovina tuto cuanto
El vento de ottobre l'è fà l'orco, el fa cascar la gianda

ca la fa ingrasar el porco
El vento de San Matìa el dura na cuarantìa
El vento el xe el secondo paron de'l mondo
El vento no l'entra mai in on posto da dove ca a no
se pol scapare
El vin a tase, l'acua a case
El vin a'l color, el pan a'l saor
El vin bon el se cata da'l paroco
El vin bon el xe ciaro, amaro e avaro
El vin el xe la late de i veci
El vin l'è bon par chi ca el lo sa bévar
El zbrega vele San Simon, el dura el vento na stajon
El xe bon de ciavarghe le scarpe a on coridor in
corsa
El zogo el rézega la vita e el rozega la roba
Erba cativa no la more mai
Èsar fà Arlechin batocio, orbo de na ganba e soto de
on ocio
Èsar larghi fà on corno in ponta
Èsar stranbo fà el mal de pansa a vol dir ver el
granaro che'l scorla
Èsar on faganelo

Falive de matina le ciapa el sacco e le va a farina

Falive de sera, polenta inte la caliera, falive la
matina le ciapa el sacco e le va a farina

Falo de mèdego, volontà de Dio

Fame deventar ministro par on ano e se a no devento
sior ca mi vaga a l'inferno

Fata la gabia more l'ozelo

Fato ben o mal, dopo on contratto a se beve on bocal

Febrareto, ogni erba buta fora el só bechetto

Febraro caldo e primvera freda

Febraro curto pezo de tuto

Febraro el fa el pajaso

Febraro febrareto el zbròdega fà on buteleto

Febraro i farà da mati

Febraro, febraroto da giorni ventiotto, fa tremar el
can inte'l cazoto

Fémena de note, ora serena e ora da bote

Fenà la festa gnison el se ricorda de spasare la sala

Fidarse e no fidarse i jera fradeli: l'uno el jera bon,
l'altro furbo

Fin ca gh'è pan in convento, de frati a no ghe ne
manca

Fin ca ghe n'è, tègnar da conto; co ca a no ghe n'è
pi, mòlaghe

Fin ca la barca la va làsela ndare, co ca no la va pi
rema

Fin ca on grando el se inchina, el piccolo el ga ligà la
fasina

Fiole da maridar, osi duri da rozegar

Fioli e schei no i xe mai masa

Fiori de pra ogni mato ghe ne ga

Formento, fava e fen, no i se ga mai volesto ben

Fredo e fame i fa on bruto pelame

Frua el capel chi ca a se lo cava a chesto e a chel

Fumo in cuzina e dona cativa i fa scapar l'omo de
caza

Galera e leto, i fa l'omo pezo de cucl che'l jera

Galo o no galo, nase isteso el dì

Gato sarà su el diventa on lion

Goba nasente luna calente, goba ponente luna
cresente

Gofredo el jera on bravo gueriero ma Gofame el
valeva de pi

Grami i poareti ca i nase senza corni e i more bechi

Gramo chel'omo ca el se mete le còtole

Gran fredo de zenaro el colma el granaro
I amighi i se conose a le fose o a le noze
I ani de la fame i scomisia inte la grupia de'l
bestiame
I beli sogni i xe longhi, i beli di i xe curti
I boce i sogna la só caza co i scumisia farla co'l
sabion
I briganti i fà le ortighe i crese senza fadighe
I bruti schersi i finise in barufa
I cani rabiuzi no i fa mai sciapo
I cativi ogni tanto i se raposa, i ebeti no i se raposa
mai
I defeti i xe fà i odori: i sente de pi, chi ca el xe visin
ca chi ca i porta
I desparà i xe senpre castrà
I dolori i xe fà i schei: chi ca i ga el se li tien
I duturi e la guera i spòpola la tera
I duturi i vive de carne malada, i avogadori de carne
rabiada, i preti de carne morta
I fioli i vien da'l cor, el marìo da la porta
I fioli i xe fà le spunje, i ciucia el ben e anca el mal
I fioli, a dopararli masa ben, i se dòpara male

I fiori beli i nase anca so i prai salàdeghe
I furbi i sta senpre distanti da le barufe
I gati co i scalsaroti no i ciapa i sorzi
I ghe dà senpre de ojo a la rua ca pianze
I gobi no i sta ben gnanca in leto
I laori i nase co i oci verti
I marcanti e i porchi, pezarli co ca i é morti
I mati e i puteli i dize la verità
I mati e i zóvani i crede ca i schei e i venti ani no i
fenisa mai
I mati i crese senza bezogno de darghe acua
I mati i crese senza zguasarli
I mati i fa e i savi i gode
I mizerioni i produze solche mizeria
I mona i se conose da do robe: da'l parlar co ca i
dovaria tàzar e da'l tàzar co ca i dovaria parlar
I morti e cuchi ca i parte i vien presto dezmentegài
I morti i ne camina da rente e i ne mena par man
I morti i verze i oci a i vivi
I muri veci i fa pensar
I nostri veci i ga manjà i canpi e i ne ga lasà i
proverbi

I nostri veci i stava sento ani col culo a la piova
prima de fare on proverbio
I òmeni i ga i ani ca i sente, le fémene coeli ca i
demostra
I òmeni i verze e i paroni i sara
I parenti i xe cueli là ca i se cata inte'l sacheto
I pecadi de i veci i purga i zóvani
I pensieri i fa saltar in vanti i ani
I pensieri i xe ezenti da le tase ma no da l'inferno
I peoci i è da cristiani i polze i è da cani
I poareti co i pol i siori co i vol
I preti i fa bójare la pignata co le fiamme de'l
purgatorio
I puteli i xe senpre co'l beco in moja fà le galine
I scàpoli no i sa indove ca i sta el ben e cueli maridài
i ga fenìo de star ben
I schei i fa maridare anca i osi
I schei i va e i mati i resta
I schei i xe el secondo sangue
I schei i xe la chiave de'l paradizo
I schei in man a on zóvane i xe fà on cortelo in man
a on boccia

I schei no i ga ganbe ma i core isteso

I schei no se ciapa senza fadiga, no i se mantien
senza paura, no i se gode senza pecà e no i se lasa
senza dolor

I segreti de le fémene no i sa gnison via ca mi, vu e
tuto el comun

I siori i ga el paradizo de cuà, e cuel de là i se lo
conpra

I siori i more de fame se i poareti no i sua
I soldài i ga coatro F: fame, fumo, fastidio e fredo

I tenporali pi grosi i vien de colpo

I veci i xe fà i liévore, i dorme co i oci verti
I vescovi Roma i xe fà i crozefisi inte na botega
I Vizentini a la matina la meseta, dopo manjà la
taseta, e la sera i se fa la doneta

I Vizentini co a pisa on i pisa tuti
I zbaji de i duturi i xe coerti da la tera, i zbaji de i
siori i xe coerti da i schei

I xe i mati e i avogadori ca i va contro i fati
I zuramenti de i morozi i xe fà cueli de i marinari
In aprile buta anca el mènego de'l baile
In canpagna andarghe, in botega starghe
In caza strenzi, in viajo spendi, in malatìa spandi

In febraro se taca el tabaro
In majo meti tanta legna in partegara e fornìsete de
bon formajo
In piasa de Verona on colpo i vende on colpo i dona
In tenpo de guera mai una de vera
In tenpo de vendema ogni sesta vecia la diventa
bona
Indò ca a ghe xe toze inamoràe a xe inutile tègnar
porte saràe
Indove ca a no se crede, l'acua la ronpe
Indove ca comanda le done e comanda le vache, a se
vede le robe mal fate
Indove ca mete raize la malisia, a no ghe crese
l'amicisia
Indove ca sapa done e ara vache, le panoce le vien su
siape
Indove l'è semenà ciaro, a te lo toli su co'l caro,
indove ca l'é fiso a te ghe ve co'l sesto
Ingurie e meloni de setembre no i xe pi boni
Inpara l'arte e métela da parte
Inpisa na candela a'l diàolo e una a San Marco
Inte i canpi a se vive e in caza a se more
Inte i mezi ca i ga le "ere" no ste' sentarve so le

pière

Inte i zorni de la lisa lasa stare le done se no le zbrisa

Inte la botega de'l canton ciapa schei anca on cojon

Inte la vita a no se ga mai inparà a bezogno

L'omo vecio el perde i sentimenti e a se zlonga i
finimenti

L'abondansa la rende l'omo fastidioso

L'acqua chiara no la fa deposito

L'acqua de majo la fa bele le done

L'acqua de San Gaetan la tole l'afan

L'acqua de San Gregorio la fa ranpegar la vegna

L'acqua de San Jovani la guarise tuti i malani

L'acqua morta la spusa

L'acqua no la ga macia

L'acqua turbia no la fa da specio

L'ajo el guarise ogni tajo

L'alegrìa la fa scanpar, la passion la fa crepar

L'Altissimo de sora el ne manda la tenpesta,

l'altissimo de soto el magna cielo ch'A resta

L'amigo de'l prete el perde la fede, l'amigo de'l
dotor el perde la salute e l'amigo de l'avogador el
perde la sostansa!

L'amor de'l soldà, uncó cuà doman là
L'amor el fa pasar el tenpo, el tenpo el fa pasar
l'amor
L'amor el fa tanto, i schei i fa tuto
L'amor el xe potente ma l'oro el xe onipotente
L'amor no el fa bójar la pignata
L'amor no'l ciapa rùzene
L'amor no'l se mezura co le brazole
L'amor no'l xe fato solche de amor
L'amor senza bazi el xe fà el pan senza la sal
L'amor vecio no'l fa mai la mufa
L'ànema a Dio, el corpo a la tera e la roba a chi ca la
ga
L'anjelo ùmile el lata da do mame e el superbo da
una sola
L'arsiprete el se dezméntega de èsar stà mòcolo
L'arte de Michelaso: magnar, bévare e ndare a spaso
L'avarò el xe el pi pitoco
L'è mejo on magro acordo ca na grasa sentensa
L'è pien de schei fà on buzo de ave
L'erba ca la vien de marso, aprile la se la magna
L'erba crua no la fa la testa canùà

L'espriensa la val pi de la scola
L'espriensa la xe on pètene che'l riva dopo ca el se
ga perso i caveli
L'inferno el xe pien de bone intension, el paradizo
de bone asion
L'infimo de soto el te promete trenta e co a xe ora el
te tole novanta
L'ignoransa la xe só mare de la miseria
L'intarese el scana la cosienza
L'inverno el xe el boja de i veci el purgatorio de i
boce e l'inferno de i poareti
L'inverno se no el mòrsega co i denti el mòrsega co
la coa
L'invidiozo el se rode, l'invidià el se gode
L'istà de San Martin la dura tri di e on tochetin
L'ocio el ga la só parte: lo ga dito cielo là ca el ga
ciapà on pugno
L'ojo de scorpion el vale on milion
L'omo ca el ga paura de magnar el ga paura de laorar
L'omo el comanda de dì e la fémena de note
L'omo el se conose a'l bezogno
L'omo el tien su on canton de la caza, la dona tri
L'omo el vadagna, la fémena la sparagna o la magna

L'omo el vole solo el miele la dona vole anca la siera

L'omo el xe fà on sacco: co'l verze la boca, el mostra
cuel che'l ga rento

L'omo no'l respeta la tera e la tera no la respeta
l'omo

L'omo senza schei el xe el penel de la morte

L'omo senza schei el xe on morto che'l camina

L'onbra de'l canpanil la ingrassa

L'onbrela no la xe fata par na piova sola

L'onestà par catarla la ga da ver: man nete, scarsele
zbuzàe e testa so'l colo

L'onor el xe fà el vento, el va fora par tuti i buzi

L'ospite el xe fà el pese: dopo tri zorni el spusa

L'ostarìa bona la ga da ver pan che'l canta, vin che'l
salta e formajo che'l cola

L'ovo el vien da'l beco

L'ozelo el se conose da'l canto

L'ua de San Piero l'è granda fà on gran de pévaro

L'ùltemo àbito ca i ne fa l'è senza scarsele

L'onego avaro bon el xe l'avano de tempo

L'onego avaro bon el xe l'avano morto

L'onion de la fameja sta inte'l cason de la farina

La balansa la cede speso a la spada
La bela e bona siera la fa canbiar l'inverno in
primvera
la benedision la pasa sete muri
La boca la porta le ganbe
La boca no l'è straca se no la sa da vaca
La brava "vacheta" cuel ca no la fa la sera lo fa la
matina
La caena no la ga paura né de'l fumo o né de'l fogo
La campana pi grosa la xe senpre cuela ca la sona
manco
La carestia la vien in barca
La carestia prevista no la riva mai
La carità la scomisia da mi
La cativa lavandara no la cata mai la piera bona
La ciupinara la vive a'l scuro, ma su cuel ca la fa la
ghe vede ciaro
La colpa la xe ancora zitela parché gnison la vole
La concordia la parecia la vitoria
La corda la liga i corni de i bo e la parola la liga la
testa de i òmeni
La cuzina la magna la cantina

La domanda la ga avudo on bocon, la prudensa la xe
restà dezuna

La dona ciacolona la parla e tuti i parla de ela

La dona ghe ne se piasè de'l diàolo

La dona la ga da vere 4 "M": matrona in strada,
modesta in ceza, masara in caza e mata in leto

La dona la par piccola ca la sia, la vinse el diàolo in
furbaria

La dona la va sojeta a 4 malatie a l'ano, ogni una la
dura tri mezi

La dona la xe fà la balansa: la pende da la parte ca pi
la reseve

La dona la xe fà la pasaja, co ca i ga fato el buzo tuti
i ghe pasa

La fame la fa far i salti, ma l'amor el i fa far pi alti

La forza la ghe caga in testa a la razon

La fortuna la vien anca da'l corajo

La fortuna la xe de cueli là ca la ciapa pa i caviji
la frégola la vien da'l toco

La galina, co ca la ga fato l'ovo, no la se ciama pi
polastra

La justisia de 'sto mondo cuà la xe fata a maja

La justisia la xe fà on mascio da ingrasà

La justisia se no la fa el pretore, presto o tardi la fa el
Segnor

La lengoa de le done la xe fà la fòrbaze: co la taja la
sponcia

La lengoa no la ga osi ma la spaca i osi

La lengoa no la ga osi, ma la sponcia fà na gucia

La lengoa no la ga spini né oso, ma la xe cuela ca la
se tira el mal zo par doso

La lontanansa l'è fiola de la dezmentegansa

La luna de agosto la renfresca el bosco

La luna la scoa via le nùvole

La malinconia la xe n'altra malatia

La malisia la porta le còtole

La mare de i stupidi la xe senpre piena

La matina la xe la mare de i mestieri e la note de i
pensieri

La mojer de'l ladro no la ride mai

La morte la xe cuela roba là ca a no se pol fare do
olte

La morte no la se cronpa

La neve desenbrina disete olte la se rafina

La neve desenbrina la vien zo fà la farina

La neve desenbrina par tri mezi la confina
La neve marsolina dura da la sera a la matina
La novità la ghe piazze a chi ca no ga gninte da
pèrdare

La parola la tradise el pensier
La parola la xe só mare de la reputasion
La parola no la xe mal dita, co no la xe mal inteza
La pasiensa la xe la miseria de i bechi, la speransa la
xe l'altare de i cojoni

La paura de morir la xe pezo de la morte
La paura la fa corajo

La paura la fa suar de zenaro
La paura la fa suare anca de disenbre
La pezo zenà la xe cuela là de i rafati
La pianta ca la ga masa fruti la no i maura tuti
La pianta La se indrisa da zóvane
La pigrisia la xe mare: la ga on fiolo ca el se ciama
ladro e na fiola ca la se ciama fame

La piova d'istà la va par contrà
La piova de agosto la renfresca el bosco
La piova de San Cuirin la porta pan, ojo e vin
La piova lenta la xe cuela là ca la bagna

La pólvare de lujo la guarise le buganse
La prèdega la fa fà la nebia: la lasa el tenpo ca la
cata

La preghiera de la sera la xe cuela pi sincera
La prima la xe matrimonio, la seconda par la
conpanjia e la tersa na erezia

La prudensa la xe on talento da doparar ogni
momento

La rana co la xe uza a'l paltan, se no la ghe va uncó,
la ghe va doman

La razon de i poareti, la xe piena de defeti
La richesa de'l vilan la sta inte i brasi, chi ca ghe ne
vol el se ne fasa

La roba bona la fa male a la pansa
La roba de'l comOn la xe roba de nisun
la roba la sconde la goba

La roba no la xe de chi ca la fa ma de chi ca la gode
La roza la casca ma el spin el resta
La rua pi trista la xe cuela ca la siga
La rùzene la magna el fero

La salata la vol la sal da on sapiente, l'azedo da on
avaro, l'ojo de on pròdigo, na zmisiada da on mato e
magnada da on afamà

La salute, a no ghe xe oro ca la paghe
La sparansa la xe fà el late, dopo on poco la diventa
agra

La càle de'l “dopo dopo” la riva a'l paeze de'l “mai
mai”

El càò el ga da star su'l colo e mia su'l culo

La tose la xe el tanburo de la morte

La toza ca la va a l'altar co la só inocensa, parfin i
àlbari i ghe fa la revarenza

La toza da spozare la spasa anca la corte, da spozada
no la neta gnanca la caza

La omiltà la xe la scala par el Paradizo

La verità la xe fà l'ojo inte l'acua, la vien senpre par
sora

La verità la xe de pochi, la falsità de tanti

La vita la xe fà l'onbrìa, so'l pi belo la sparise

La vizìlia de San Joani a piove tuti i ani

La volpe no la fa dano visin a la só tana

La jelozià la fa deventar mati

Ladri e avogadori on nome solo

Laora fà ca se fuse el primo dì, vivi fà ca se el fuse
l'ùltemo

Laora ti ca mi me sponso

Laoro de festa el va zo da la fenestra
Le acue le sta via ani e mezi, ma dopo le torna a i só
paezi
Le bale de la TV le xe cuele là ca le piazze de più
Le bestie le se trata da bestie
Le bronse cuerte le xe cuele ca le scota
Le calendre de la festa de'l sol, le mostra a'l mondo
cuel ca Cristo el vol
Le canpane le sona se calchedOn a ghe ga tirà le
corde
Le ciàcole longhe le fa le note pi curte
Le ciàcole le xe nostre, i fati i xe de Dio
le ciàcole no le fa frìtole
Le dezgrasie a no se sa mai da ndove ca le vien
Le toxo co le se confesa le dize senpre cielo ca no le
ga fato
Le toxo de zbrindolon, le perde Cristo e anca la
devosion
Le toxo le xe sante in ceza, anzoli in strada, diàvoli
in caza, soete a la fenestra e gaze a la porta
Le frìtole le xe fà le done, se no le xe tonde e on
poco grasote no le xe bone
Le maledision le va de cuà e de là, le ghe va in culo

a chi ca le da

Le ore de la matina le inpiena la muzina

Le ore le xe curte par zoir, ma longhe par patir

Le ore no le ga comare

Le parpetue, prima le dize: “le galine de’l prete”,
daspò le dize: “le nostre galine” e dopo le dize “le
me galine”

Le peche de natura le se porta in sepoltura

Le pezo fiore le xe cuele là de’l vin

Le piègore mate le sta fora da’l sciapo

Le raize de le virtù le xe amare ma i fruti i xe dolsi

Le robe bone le se scomisia co cuele là triste

Le robe proibìe le xe cuele là ca le fa venjer pi voja

Le roze le xe fresche, i loamari i xe caldi, le roze le
xe giasàe e i loamari i sta caldi

Le scarpe de on vilan no le farà mai bela peca

Le sénare de ‘sto di cuà le tien lontan le formighe

Le suche infra le do madone le xe senpre bone

Le toze le xe de oro, le spoze de arzento, le vedove
de rame, le vecie de lata

Le toze lo dezidara, le maridàe lo prova, le vece lo
recorda

Le vache le pisa, i vedeli i zbrisia, i bo veci i xe cueli
ca i tira

Le verze de San Gaetan, le pole piantarsele in man

Le xe pi le done ca le vardà i òmeni ca le stele a'l
siel ca le vardà la tera

Legno in pie, dona butà e stropa intorta a no se sa el
pezo ca i porta

Leto fato e dona petenada el ga la caza destrigada

Lezi, scrivi, tiente a mente: chi ca no magna no'l ga
gninte; magna anca ti fin ca te vivi ca dopo morti a
semo tuti gualivi

Ligàrsela a on deo

Loda el monte, tiente a'l pian, loda la sesta e magna
el pan

Lu el sparagna e la gata la magna

Lujo da'l caldo grando bevi ben e bati saldo

Lujo e agosto, dona a no te conoso

Luna peloza zornada piovoza

Ma se no'l ghe ze, San Andrea spetè

Mai gratarse la testa parché a se ciapa le zgrezende

Mai la ceza pi granda de'l canpanil

Majo brontolon o el zoga o el fa de'l bon

Majo de la Madona le toze le vien spoze

Majo fresco e caza calda la dona sta ben e salda

Majo fresco e ventozo ano frutuozo

Majo fresco, bona paja e tanto formento

Majo ortolan, tanta paja e poco gran

Majo piovozo vin costozo

Majo spolvarento, poca paja e asà formento

Majo, majon no sta' cavarte el covarton

Magna 'sta einestra o salta da 'sta fenestra

Magna cuel ca a te ghe e tazi coel ca a te se

Magna pan, carne e vardura, ca la vita la te dura

Magnar a modo suo e vestir a modo de i altri

Magnar la piégora, ma salvar la lana

Magnar, gratar e mormorar basta scumisiar

Magnare senza bévar a xe fà far su i muri senza
malta

Marcante barufante staghe a le larghe

Marco Péndola el va a'l palaso co i só libri soto el
braso, a no'l sa dir la só razon Marco Péndola el va
in prezon

Marida el fiol co ca te voli e la fiola co ca te pol

Marìdate fin ca la voja la xe verde, parché la zoventù
presto la se perde

Marin Falier da la bela mojer i altri se la gode e lu la
mantien

Marso da le ore el ghe ne fa de ogni color

Marso de i venti, april de i tenpi

Marso e setembre, on se lo tole e l'altro lo rende
Marso marson el fa morir le piégore e anca el molton

Marso par cuanto tristo che'l sia, el ghe da erba a'l
bo e a'l cavalo onbrìa

Marso suto april banjà, beato el contadin che'l ga
semenà

Marso suto, pan dapartuto

Marso zventà, aprile tenprà e majo suto, formento
dapartuto

Masa libri no i fa l'omo savio

Mato chi ca no se ga maridà, mato chi ca se ga
maridà

Mèdego vecio e chirurgo zóvane

Mejo ver a ca far co on siór avaro ca co on poareto
corteze

Mejo catar ca pèrdar

Mejo deventar mori ca rosi

Mejo el tacon de'l zbregho

Mejo èsar paron de na cariola ca servo de on caro

Mejo fare fà San Tomazo e piantarghe el nazo
Mejo na pesa ca'l buzo
Mejo pagar co'l pelo ca co la pele
Mejo poareto e sapiente, ca sior e ignorante
Mejo soli inte na stala ca in masa in te on palaso
Mejo spusar da luame ca da mona
Mejo star visini a on ca caga ca a on ca sciapa
Mejo on amigo ca sento parinti
Menestra inpignatada par ca la boja e la xe giasada:
isteso xe l'amor de on vecio maridà
Merda e acua santa métarghene senpre tanta
Meti on spin in on jardin, el sarà senpre on spin
Mi vago pian parché a so pigro e mi so novembre
alegro
Mizeria la fa mizeria
Mizeria la fa zudisio, zudisio el fa roba, roba la fa
schei, schei i fa boreso, boreso el refà mizeria
Mojere zóvane e carne de mascio le ghe fa male a
chi ca no ga stómeo bon
Mola la bria on fià la volta
Morir el xe l'ùltemo zbajo ca te farè
Morto el lion i liévori i ghe fa el salto

Morto mi, in culo a chi ca resta
Na bela mora da le tete tonde la fà pèrdar la razon da
tute le sponde
Na bona dota la marida na fiola
Na càvra bianca no la vien mai nera
Na caza senza dona la xe na lumeta senza luse
Na dona e on bacalà no i xe mai pestài asà
Na noza par sacco, na dona par caza
Na ora de bon tenpo la suga la strada
Na pena a la volta a se pela l'arna
Na testa savia la tien la boca cuzia
Na volta a la settimana l'è na coza sana, na volta a'l
di pènsseghe ti
Ndare a'l teatro bianchini, co la testa soto i cusini
Ndove ca a ghe vol i fati, le ciàciare no le basta
Né amor né signorìa i vol companjia
Né can né vilan i sera mai porta
Nè co i torenti nè co i potenti no stà a strenzare i
denti
Né de vènare, nè de martì a se se spoza o a se parte
Né in tola né in leto a ghe vole respeto
Né la malatìa né la prezon le fa deventar l'omo bon

Né re né diznar i se fa mai spetar
Né toza senza amor né vecio senza dolor
Nebia basa, bon tenpo la lasa
Gnison domandon el xe fenìo in prezon
Gnison el nase co le braghe inbotonàe
Neve de febraro la inpiena el granaro
Nibia de marso male no la fa, de aprile pan e vin a
metà
Gnanca n'àzeno el pasa do olte sora a'l giaso
gninte a xe bon pa i oci
No el xe gnanca bon far O col culo
No gh'è pignata ca covercio no la cata
No gh'è pra senza erba no gh'è camiza de vecia
senza merda
No gh'e sabo senza sol no gh'è toza senza amor
No gh'è Vènare Santo a'l mondo, ca la luna de
marso no la gapia fato el tondo
No ghe xe carne senza oso
No ghe xe cazeta ca no la gapia la só crozeta
No ghe xe erba ca la varda in su ca no la gapia la só
virtù
No ghe xe farina senza sémola, nozela senza scorsa,

gran de paja e omo o dona senza defeto
No ghe xe foso senza paltan
No ghe xe oso in becarìa ca el can no'l lo porte via
No ghe xe pese senza spini
No ghe xe pezo sordo de cielo là ca no'l vol sentir
No i se gode senza pecà e no i se lasa senza dolor
No la ga Venesia tanti gondolieri, quanti Vicenza
conti e cavalieri
No me curo de l'endegaro se'l di de San Paolo no'l
xe né scuro né chiaro
No se pol ver la miel senza le ave
No se pol cantar e anca portar la croze
No se pol dormir e far la vardia
No se pol tègnar on pie in do scarpe
No se pol volar se a no se ga ale
No sta' a inpiantar ciodi parché dopo a cavarli se ghe
ronpe la capela
No sta' far mai gninte pa reconpensa
No sta' far mai sver ca a te sè tuto
No sta' far tuto cuél ca te pol, no sta' dir tuto cuél ca
te sé, no sta' crédar a tuto cuél ca te senti e no sta'
dar mai tuto cuél ca te ghe

No sta' maridar la Nena de Cornelio
No sta' segnarte se te ghe el diàolo in corpo
No sta' tocar can ca rózega, ne zogador ca perde
No sta' métarte in strada se no te sè indo ndare
No te se gnanca de èsar a'l mondo se a no te te palpi
Nora e Madona no le xe mai in bona
Novembre e disenbre i benedise setembre
Novo paron nova leje
O da la testa o da la coa tuti cuanti i fa la soa
O da'l cao o da la coa ogni ano el fa la soa
O de strame o de fen, el stómeo el ga da èsar pien
Ocio seleste ocio de dama, ocio moro, ocio ca no'l te
ama
Òmeni in guera, vache in montagna gninte carte né
garansìe
Omo ca zura, dona pianzente, no sta' crédarghe par
gninte
Omo de confin, o ladro o asasin
Omo par la parola e bo par la cavesa
Omo senza schei fà on faral senza ojo
Omo studiozo, magro morozo
ogni bel balo el stufa

Ogni bote la te dà el vin ca la ga
Ogni colpo de tose el xe on ciodo so la casa
Ogni formiga la ama el só buzo
Ognifruto a la só stajon
Ognigiosa la bagna anca la pi bela campagna
Ognilegno el ga el só carolo
Ognilustro a se cambia gusto
Ognipan el ga la só crosta
Ognisanto el vol la só candela
Ognisarto el crede de tajare el tabaro mejo de i altri
Ognispenton el te para vanti
Ognitanto, anca na galina orba la cata on gran
Oro e arzento in core i sófega fede, speranza e amore
Otobre e marso par Matìo, i se someja fà pare e fio
Otobre otobreto in cantina o soto el portegheto
Ovo de na ora, pan de on di, vin de n'ano, dona de
venti, amigo de trenta
Ozel de gabia se no'l canta par amor el canta par
rabia
Ozeli e predegador a se ga da sentirli prima
Pa conprar a ghe vole cuatro oci, pa vèndare ghe ne
basta solche uno

Pa robar a ghe vol scarpe da ladro
Pa salvarse a ocor ocio in testa, ganba zguelta, e
buzo pa scóndarse
Pa Santa Ana le noze le va in tana
Pa sver de ca “gusto” ca la sa, starghe insieme on
inverno e na istà
Pa star ben ghe vole sòcoli, bròcoli, capelo e poco
sarvelo
Pa star ben ghe vole: pirolo de galina, siropo de
cantina, bareta in testa e mandar el dotore a far festa
Paja e fogo, insieme, i dura poco
Pan caldo e acua freda no i xe mai on bon pasto
Pan e noze magnar da spoze
Pan fresco, vin bon e dona ben tornida i xe la
consolasion de’l leto e de la vida
Pan padoan, vin vizentin, tripe trevizane e fémene
venesiane
Pan, sopresa e alegrìa su inte’l bosco i fa companjia
Pan, vin, dona e na bela soca, lasa ca i fioca
Pansa piena no la ghe crede a cuela là voda
Pantalon el paga par tuti
Par amor anca na dona onesta la pol pèrdar la testa
Par calar la pansa a no serve ciapàrsela co la balansa

Par chi ca ga debiti a Pascua la cuarézema la xe
senpre curta

Par contentare tuti cuanti: par i Santi neve so i canpi,
par i Morti neve so i orti

Par diventare siori a ghe vole tre robe: on poco, on
tanto e on gninte

Par dire buzìe, a ghe vole bona memoria

Par el Cuor de Jesù el caldo el se zdrisa in su

Par el vilan no xe bona ca la respise de'l mèdego
rufian

Par èsar contenti a ocor ocupar poco spasio e canbiar
posto poche olte

Par èsar respetà a se ga da respètar

Par farse on amigo basta on goto de vin, par
conservarlo ghe ne vole almanco na bote

Par fortuna ca “manicomio” el xe scritto par fora

Par i orbi a no xe mai dì

Par la dona in convulsion, a ghe vol na còcola o on
sciafon

Par la Nunsuada l'è fenìa l'invarnada

Par la Seriola de l'inverno semo fora: ma se a piove
o tira vento, de l'inverno a semo rento

Par gninte l'orbo no'l canta

Par robar a ghe vol scarpe da ladro
Par salvarse a ghe vole tre robe: ocio, ganba e buzo
da scóndarse

Par San Antonio de'l zilio el caldo crese, caro fiolo

Par San Donà el fredo l'è fato

Par San Gabriele le ave le se parecia a far el miele

Par San Gregorio na sizila par teritorio

Par San luca, chi ca no'l ga semenà el strabuca

Par San Michele, se spoza le brute e a se vardà le
bele

Par San Simeon l'acua la va benon

Par San Simeon la roba drento el porton

Par Santa Ana le noze le va in tana

Par Santa Catarina o neve o giaso o brina

Par Santa Catarina o neve o giàso o brina, ma se no i
ghe xe Sant'Andrèa spetè

Par Santa Emerensiana i di i se zlonga na spana

Par Santa Madalena a se taja l'avena

Par sver la verità a se ga da scoltar du buziari

Par vînsar na càuja a ghe vol tre robe: ver razon,
sverla dir, sverla dar

Parché na canpagna la vaga ben, la ga da ver

cavesanje, fosi, merda e bo grosi
Parché tre done le vaga d'acordo, a ghe ne vol una
viva, una morta e una piturada su la porta
Parla co ca pisa le galine
Parola dita e saso butà no i torna pi indrì
Parsuti de San Daniel, mimie de Venzon e perùsole
de Pordenon
Pascua, vegna alta o vegna basa, la vien co foja e
frasca
Pelo biondo, cavejo de oro, dighe de nò a la barba de
moro
Pese coto e carne crua
Pese in acua e ozelo in frasca i xe de chi ca se i ciapa
Pi ca veci a no se pol venjer
Piànzar el morto par ciavar el vivo
Pifanìa fredo pi grandò ca a ghe sia
Piova a San Gaetan bona uncó e anca doman
Piova a zenaro erba a febraro
Piova de agosto la renfresca el bosco
Piova de febraro la jova pi de on loamaro
Piova de San Piero, piova co'l caldiero
Pitosto ca darghe maregna a to fioli fate frate

Pitosto de andare a pie a xe mejo cavalcare na vaca
Pitosto de èsar poareti a xe mejo no ver gninte
Poareta la caza co'l galo el canta da galina
Poca voja la ga la scuza pronta
Pochi schei, meza zguelta
Poco tòsego no l'intòsega
Polenta e late le ingrassa le culate
Polenta in tola e porta verta
Polenta nova e ozeli de riva, vin de grotta e zente
viva
Pólvare de zenaro la fa cargare el granaro
Poro chel omo là ca el fa el marìo cuco
Portarghe l'acqua co le recie
Prèdaga curta e stanga de i saladi longa
Prete e ebreo, no gh'è difarenza de on scheo
Prete oservante el spargna el suo e el magna cucl de
chealtri
Preti, frati e capiteli vàrdeli e respèтели!
Prima a se fa le ale e dopo a se vola
Prima o dopo, l'àzeno el se fa senpre conósar
Prima veneti po venesiani e po cristiani
Primo, secondo e terso, cuaranta par cucl verso

Primo, secondo, terso aprilante cuaranta somejante
Ramo curto vendema longa
Recia drita parola mal dita, recia sanca parola santa
Rento pa na recia fora pa chel'altra
Ridi fin ca a te poli, ca piànzar te fè senpre tenpo
Roba catada e miga consegnada la xe meza robada
Roba de dota, la va fà la trota
Roba fata par forza no la vale ca na scorsa
Roba robada fà ca la vien la va
Roze e ortighe, mai amighe
San Antonio de cuà, Sant Antonio de là, intanto el
mascio l'è stà copà
San Bastian co la mónega in man
San Bastian co la viola in man
San Bastian e San Fabian co Santa Anjese i se da la
man
San Bastian na ora e on paso de can
San Bizognin el fa trotare anca la vecia
San Bovo, la torta a'l fogo
San Florian co la spiga in man
San Fustin el neta el camin
San Jacomo e Santa Ana ùltema festa castelana

San lorenzo da i martiri inosenti, a vien zo da'l sielo
carboni ardenti

San lorenzo da la gran caldura, San Vincenzo da la
gran fredura on e l'altro poco i dura

San Marco paron, la nostra gloriosa festa
San Marco paron, San Marco protetor, festa glorioza
in ogni canton

San Martin, casca le foje e a se spina el bon vin
San Martin, va in càneva e taja la lugànega
San Matìa, se'l cata el giaso el lo porta via, se no'l lo
cata, el giaso el torna

San Màuro fa i ponti, San Antonio el i ronpe, San
Paolo el i fonde

San Modesto, el fredo el vien inte'l sesto

San Omobon neve o tenpo bon

San Paolo converso, le raize le va a bon verso

San Paolo no'l me varde scuro

San Piero el vien senpre in barca

San Prozdòzemo e San Daniele marcanti de neve

San Tomè el zlonga le zornade cuanto ca el galo
l'alsa el piè

San Valentin da'l fredo fin, a se giasa la pala de'l
molin

San Valentin el copa el mascio grosso e anca el
picinin

San Valentin el governa l'ortezin

San Vincenzo de la fredura, ma poco el dura

San Vitale el te bagna le spale

San Vitale marcante da piova

San Vito e San Modesto i croa zo i grani inte'l sesto

Santa Barbara benedeta la tien distante i sciantizi e
la saéta

Santa Barbara ca stando a'l fogo la varda

Santa Barbara e San Simon, libareme da 'sto ton;
libareme da 'sta saeta, Santa Barbara benedeta

Santa Bibiana cuaranta di e na setimana

Santa Ciara, el caldo el salta co la chitara

Santa lusia el fredo el crusia

Santa Lusia, el giorno pi scuro e longo ca a ghe sia

Santa Njeze el fredo el pasa le sfeze

Santa Agneze el fredo el supia pa le sieze

Santa Regola de i santi contentare tuti cuanti

Santa Tereza ponto de stela

Santa Zustina da la zgiosetina

Scarpa larga e goto pien, toli la vita fà ca la vien

Scarpa streta la fa belo el piè, ma prima o dopo el
calo el gh'è

Schei e micisia i orba la justisia

Schei e dona vera i fa canbiar l'inverno in primavera

Schei e legna i va senpre contà

Schei e santità i se gode a ogni età

Schei in abundansa, amighi a no ghe ne manca

Schei in quantità i se gode a ogni età

Schei, intarese e ingordisia i scana la cosienza

Schei, muso e careto no i se pol ver

Scoa nova la scoa ben

Scola: banco, incioistro, penin, cuaderni e zeseto fin

Se a fa fredo a San luizin a farà caldo a San Paolin

Se a le se savese tute a no se morirìa da poareti

Se a névega a la seriola, a névega sete olte ancora

Se a névega a San Izepo, a névega a ogni luna

Se a nevega so la foja, a se cava la voja

Se a no fa caldo de lujo e de agosto a sarà tristo el
mosto

Se a no ghe fuse el lion, la simia la sarìa el re de la
foresta

Se a no piove so le palme, piove so i ovi

Se a pianzemo el primo de l'ano a pianzemo tuto
l'ano

Se a piove a l'Asension la roba la va in pardision
Se a piove a San Vincenzo, de l'ua a vol dir stajon
crua

Se a piove a San Vio el prodoto de l'ua l'è falìo
Se a piove da San Filipo el poareto no'l ga bezogno
de'l rico

Se a piove da San Gorgon l'autuno el va de rabalton
Se a piove da San Joani a se suga le pose e more le
rane

Se a piove de marso, istà seco e arso
Se a piove de San Urban ogni spiga la perde el gran
Se a piove el di de la Sensa el boaro el perde la
semensa

Se a piove el di de San Zorzo carestia de fighi
Se a piove el di de San Zuane fen e paja i va in
ledame

Se a piove el di de Santa Ana, a piove on meze e na
setimana

Se a se tole par amor, par rabia a se se lasa
Se a te bati el sesto a te resta el mànego
Se a te ghe na brutta mojere va in leto a'l scuro

Se a te ghe presa, va pian
Se a te ghe tenpo da pèrdare, faghe ciaro a i orbi e
faghe la prèdega a i sordi
Se a te voli conprar on porco belo, fa che'l gapia do
lune de agosto
Se a te voli fare fortuna, inpara da le formighe
Se a te voli farte on nemigo inprèsteghe schei a on
amigo
Se a te voli on bel fàvaro sémenalo de febraro
Se a te voli on bel vedel la manza la dize: dame on
toro bel!
Se a te voli on bon ajaro pianta l'ajo de zenaro
Se a te voli vadagnar in paze mola i visi e le putane
Se a te voli védare el diluvio univarsal, meti dódeze
preti a tola a diznar
Se a tira el vento da San Matìa, el tira par na
cuarantìa
Se a venta el primo de marso a venta tuto cuanto
Se a xe bel tenpo el di de San Jacomo e Filippo, el
poareto el cojona el rico
Se bel di fa a San Julian bon tenpo anca doman
Se de Pascua a vien piova l'autuno el fa voja
Se de San Malgari a xe suto, la sarà erba dapartuto

Se Dio no'l pardonase, el Paradizo el sarìa vodo
Se Dio no'l vol, gnanca i Santi no i pol
Se el buta l'olivo de aprile, de ojo a te gavarè on
barile
Se el maestro no'l dà festa a ghe butemo i calamari
in testa
Se el pare el fa carnevale, a'l fiolo ghe toca far
cuarézema
Se i bocia i sta fermi a xe on bruto segnale
Se in novembre le foje le casca bonora, l'istà ca vien
la sarà tuta n'aurora
Se l'ànema la ga da patire, el corpo no'l ga da soffrire
Se l'àzeno el fa la coa dopo i trent'ani, o no la xe sua
o la xe postisa
Se l'invidia la fuse febre, tuto el mondo el scotarìa
Se l'invidia la fuse rognà tuto el mondo el se gratarìa
Se la dona la vol, tuto la pol
Se la dona no la vol, l'omo no'l pol
Se la galina la tazese, gnison el savarìa ca la ga fato
l'ovo
Se la rabia la fuse rognà, seto cuanti ca a se gratarìa?
Se la vaca no la moriva, la sarìa ancora viva
Se marso el marsega, de majo a se sega

Se marso el xe suto aprile el xe tuto
Se marso l'entra belo el va via fà on porselo
Se me nona la gavesse le rue, la sarìa na cariola
Se me nono el gavesse le rue, el sarìa on careto
Se mi so soto, no so solo, a vago in piasa e a me
consolo
Se no l'é on lupo l'é on can grizo
Se ocio no'l zmira, cor no'l sospira
Se onjOn el spasase davanti caza sua, tuto el mondo
el sarìa neto
Se San Paolo no'l me vardà scuro de le Calende a no
me curo
Se tóneda, chi ca ga tre vache ghe ne venda on paro
Se tuti i bazi i fuse buzi, cuanti muzi zbuzi ca a ghe
sarìa
Se tuti i bechi i portase on lanpion mama mia ca
iluminasion!
Se uno el vol ca l'amicisia la tegna, a se ga da ca na
sporta la vaga e l'altra la vegna
Se vento a no'l tra, fredo a no fa
Se zenaro no'l fa el giaso, febraro el fa el pajaso
Se zenaro no'l fa i só ati, febraro el sarà da mati
Se zvolase el castron el sarìa mejo de'l capon

Segnor, fa ca no'l sia beco, se mi ghe so fa ca no'l lo
sapia, se'l sa fa ca no'l ghe bada

Segnore sénjelo, se no l'è morto cópelo

Senpre ben a no la pol ndar e senpre mal no la pol
durar

Sensa santi a no se va in paradizo

Sensa schei a no se spende senza laoro a se depende

Sensa spie a no se ciapa ladri

Sento ani de malinconìa no i paga on dì de alegria

Seraval longo e stretto ogni porta a ghe xe on beco

Sete omeni no i mena drento tanto co'l caro, cuanto
ca na fémena la porta fora co la trversa

Setembre a no i xe pi boni

Setembre o el seca le fonte o el porta via i ponti

Sia da cavalo, sia da mulo, staghe tri pasi distante
da'l culo

Siel seren no'l teme l'arcobalen

Siroco ciaro e tramontana scura, bùtate in mare e no
sta' ver paura

Sole de vero e aria de fesura i porta l'omo a la
sepoltura

Sole de vero e vento de buzo guai a chi ca no'l xe
uzo

Soli a no se sta ben gnanca in Paradizo
Soto la neve pan, soto l'acua paltan
Spartìo in du el pezo el diventa leziero
Spetar ca mora el lumin par magnarghe el pàvaro
Spisa a'l culo: schei, spisa a'l nazo: corni
Spojar on santo pa vestìrghene n'altro
St'ano cuà brufolozo st'altr'ano là spozo
Sta' tento a chi che'l ronpe i "bizi"
Staghe distante da i bazabanchi parché i ciava anca i
santi
Stele fise le ciama piova
Su l'afito a no ghe xe tenpesta
Tacà a on ciò ma vivi
Tante nozele tanta neve
Tanti cani i copa on lupo, can da solo el zbaja a la
luna
Tanti i crede de vere el pulsìn e no i ga gnancora
l'ovo
Tanti pànpani gninte ùa
Tanti pochi fa on asà
Tanto pi alto el xe el monte, tanto pi fonda la xe la
vale

Tanto xe stà avaro me pare che'l pretendea ereditar
da mi

Tardi in pescarìa bonora in becarìa

Tardivo l'è senpre stà on poro omo

Ténder du morozi in caza a xe fà fare la vardia a on
saco de polze

Tenpo de la verta: co fiol de càvara e salatina fresca

Tenpo e paja i maura i néspoli

Tenporal de zenaro el porta on ano avaro

Tera mora la fa bon fruto; tera bianca gninte in tuto

Tera mora la fa bon pan, tera bianca la fa paltan

Thiene tiénteli, Schio schìvete, Malo sed libara nos a
malo

Ti, vójeghe ben a la cornacia e ciàmetela in caza, la
te cavarà i oci

Tien duro ca a te vinsi par seguro

Tira pi on pelo de dona ca on paro de bo

Tirar fora robe vecie fà i muri de Maròstega

To mare la te ga fato e mi te desfo

Torto o razon tienghe a i toi ca a te par pi bon

Toza masa in strada, la perde la strada

Toza zmemorada toza inamorada

Toze da maridar osi duri da rozegar
Tozo senza ezercisio el xe on riscio e parìgolo
Tra San Zocondo e Santa Ana el rondon el pasa el
monte e la canpagna
Tre “D” le rovina l’omo: dadi, droga e done
Tre arne le fa on marcà e cuatro oche le fa na fiera
Tre fiole e na mare, cuatro diàvoli par só pare
Tre oche e on galo i fa el marcà de Malo
Tre robe le entra in caza senza ciamarle: vecesa,
dèbiti e morte
Tre robe le ghe vol, par farse siori, o robar, o catar, o
ereditar
Tre robe le manda a ramengo l’omo: parlar tanto e
sver poco, spèndar tanto e ver poco, vantarse tanto e
valer poco
Tre robe le xe mese male: i ozeli in man a i boce, le
toze in braso a i veci e el vin in boca a i todeschi
Tri aprilanti cuaranta somejanti
Tri calighi i fa na piova, tre piove na brentana, tre
festini na putana
Tri fradeli, tri casteli, senò tri corteli
Tri tedeschi e on sciopo i fa na guera
Trista cuela bestia là ca no la para via le mosche co

la só coa

Tute le teste le ga el capelo ma tute no le ga el
sarvelo

Tuti gavemo el nostro momento de mona

Tuti i dei de na man no i xe companji

Tuti i ga el cuarto de ora storto ca i tra in mona

Tuti i gusti i è gusti dize chi ca ciucia na stropa

Tuti i gusti i xe gusti, dizea cuel là ca ciuciava on
ciodo

Tuti i mezi no i tira trentaun

Tuti i osi i torna a'l só cogo

Tuti i sestì i ga el só mànego

Tuti no i pole star a mesa rente a'l prete

Tuti scola co libri, penin e zeseto fin

Tuto cuel ca a te ghe perso te lo poli recatare fora,
ma la mare mai

Tuto el se justa, via ca l'oso de'l colo

Tuto el va e el vien e gninte a se mantien

Ua, fighi, pèsegghi e meloni i xe i cuatro mejo
boconi

On alto e on bazo i fa on gualivo

On amigo benefegà, el xe on nemigo declarà

On arco senpre tirà el perde la forza
On bon amigo no'l te dà conseji, ma el te juta
On colpo el core el can e on colpo el liévore
On conte senza contèa el xe on fiasco senza vin
On doso e na val i fa on gualivo
On fazolo par cuanto che'l boja no'l diventa mai on
bizo
On goto a i omeni, mezo a le done e na lagrema a i
boce
On legno solo no l'arde
On mestier solo lo fa el cul
On ora de bon tenpo la suga la strada
On ovo zloso l'inpesta tuta la caza
On pare el mantien sete fioli, sete fioli no i xe boni
mantenjer só pare
On pasto magro e bon el mantien l'omo in ton
On persegaro e on papa no i pol durare pi de 25 ani,
ma gh'é senpre l'ecesion
On sacco de schei e on de pasiensa par na bona
sentensa
On sol bazo no'l xe da dare, du no'l se pol tore, tri
sì, parché i xe de amore
Ancò te zlansi via co i pie, doman a te rancuri co le

man

On vedéndolo a te lo conosi mezo, co'l parla a te lo
conosi tuto

Val de pi la pràtega ca la gramàtega

Val de pi na bionda in camiza a la fenestra ca sento
more vestìe da festa

Val pi na candela davanti, ca na torsa de drìo
Val pi na lengoa ca la sa parlar ca on molin che'l sa
mazenar

Val na magra parona ca na serva grasa
Val pi na piova a la só stajon, ca on caro de oro de
re Salomon

Val pi on gran de pévaro ca on stronso de muso
Vale pi na feta de polenta chieta ca on franco
rabiozo

Vale pi na mesa da vivo ca sento da morto
Vale pi on vecio in on canto ca sento zóvani inte on
campo

Valor e corajo scuazi i se toca
Vardarse da'l vento e da i frati ca i lasa el convento
Vàrdate da can ca no'l zbaja e da cortel ca no'l taja
Vàrdate da i can, da i gati e da la dona ca la ga i
mostaci

Vàrdate da la boca de le "denontie secrete"
Vàrdate da la fémena ca sìgola, da omo ca fila e da'l
bo ca no tira

Vàrdate da le ganbe de on muso, da la boca de on
can, e da chi ca tien la corona in man

Vàrdate da'l bo davanti, da'l muso de drìo e da la
dona da tute le bande

Vàrdate senpre da chi ca se sconde da drìo a i
tabarnàcoli

Venesian, largo de boca e stretto de man

Veneto sachejà Veneto espunjà

Veneto tradìo Veneto recuizìo

Vegna piantada da mi, moraro piantà da me pare,
olivaro da me nono

Vento de majo spiga de agosto

Verza rescaldada e mojer retornada no le xe mai
bone

Vestìo pulito on simioto el te pararà on senador
Viajare a la luna e dormire a'l sole a no fa né pro né
onore

Vicensa ponpoza, Maròstega tegnoza, Padova
studiante, Trevizo tripante, Basan marcante, Azolo
furfante e Feltre polentona

Vin de fiasco a la sera bon, a la matina guasto
Vin vecio e dona zóvane
Vin, fémene e maroni i va godùì inte la só stajon
Vin, salado e omo i xe boni stajonài
Virtù e fortuna no le sta mai inte la stesa caza
Voja de laorar sàltame doso e fame laorar manco ca
poso
Voja o no voja marso vol foja
Voler ben e no èsar recanbià a xe fà netarse el culo
co la merda
Vòltate indriò e a te ghe ne vedarè anca de pezo
Zbaja anca el prete so l'altare e el contadin so'l
campo
Ze mejo la polenta a caza sua ca el rosto caza de i
altri
Ze mejo na dona bruta ca la taze, pitosto ca una bela
ca la ciacola e ca la piazze
Ze mejo scopetoni ca i dura, ca caponi ca i fenise
Ze mejo on grasso acordo ca na magra sentensa
Ze mejo on ozel de bosco ca de gabia
Ze mejo on presente ca du futuri
Ze mejo on scheo veneto ca na scarsela de bajochi

Ze pezo el tacon ca el zbreco
Ze pi caro on “nò” co grasia ca on “sì” dito co
dispeto
Zelo el fiolo de l’oca bianca?
Zenaro e febraro i è du mezi ca i va a’l paro
Zenaro el ga i denti longhi
Zenaro el se porta via i veci
Zenaro forte el fa sarare le porte
Zenaro forte el vecio el se àugura la morte
Zenaro no’l lasa galina inte’l granaro
Zenaro seco, vilan rico
Zlonga el dì San Tomè co ca el galo l’alsa el pié
Zogo de man, zogo de vilan
Zorni d’inverno laori d’inferno
Zuventù veneta carne da canon so la Piave e su’l
Don